



涿州府志





原件短缺

P1 缺前半页



明倫堂而下若庶若門若泮池文昌義陽等祠若齋若號若庖湏庾藏俎豆筐篚象勺干舞之類凡所以奉祭祀而資講學者莫不增飾完美而又復豪右之侵地塞捷徑之便途自改府後郡守宋公珪孫公國又從而克拓修飾之文教大興士風丕振其後添設縣學割去東偏而又夷巽方之臺人文遂弱郡守劉公復初始建尊經閣於北義陽文昌魁星三樓于東繼又改卜縣學欲復舊制而公旨從中出矣後守張公廷相併

建爲一歸於巽方依然往日之制而宏敞之制中爲大成殿東西爲廡前爲戟門左爲各宦祠右爲鄉賢祠他學二祠東西相向府縣學皆南向似非禮當更正者也下爲泮池東有省牲齋戒所又前爲櫺星門殿後爲啓聖祠學居廟東中爲明倫堂後爲敬一亭又後爲尊經閣堂兩序爲端本澄源崇德養正齋堂東爲教授廡西爲訓導廡前爲敷教坊爲道義坊左右有角門爲規矩爲準繩東西爲倉庫前爲儀門又前爲儒學門學之東極北爲

義陽樓前築臺建樓祀魁星臺後爲文昌祠臺西爲義陽王祠臺東有餘地今作射圃建庭四楹金有斯文樓議道堂已久廢不可考順治十三年郡守楊公駿重修十五年生員趙維煌張其祥重修准貢

長治縣學初建在本府學東同守葛公大紀創縣尹劉公四科增魁星閣置祭器書籍張公主敬增儒學門樓高十尋說者謂其勢太重地臨深坎不能勝於是郡守劉公復初議改卜得吉于永豐倉

之前規制已定乃說者又以人文寥落歸咎於幽暗壅蔽無曠達之觀後守陳公儒復改卜於城東南隅舊演武場之址廟制中爲大成殿東西爲廡前爲戟門左爲名宦祠右爲鄉賢祠前爲泮池池之東爲齋明亭西爲省牲所又前爲櫺星門殿後爲啓聖祠學居廟東中爲明倫堂後爲敬一亭東西爲庫房爲進德修業齋前爲風教門又前爲儒學門堂東爲教諭廨西爲訓導廨學北去墻數武爲文昌閣再折而東南去學百餘武爲奎文樓前甃

石爲壁池學前之水西流注其中正南爲朱衣祠
向北朝共周垣繚之有學田共地一頃一十八畝
三分每年徵租穀五十四石七斗順治十三年知
縣王功成重修十五年生員杜崇馥重修

周再勲曰縣學至此凡三建矣劉陳二公皆堪輿
之至精者也乃終明之世亦近百年并未有騰藁
榜而破天荒者於是鼓篋者懼以爲無復進步之
期

清興倬雲漢之章光思皇競奮一時連步南宮頓啓

開天甲第且長治從未有館選者有之實自李公
中白始豈風雲龍虎應運而生耶抑風氣固有轉
環適當其會耶然其建置固如昔也吁異矣

長子縣學在東街路北建于宋建中靖國初元縣
尹馬德重修明初縣丞閻弼因舊址創建知縣寇
奉祖易鶚王澤馬負圖許鋌何出圖相繼修葺崔
爾進新增培秀倉廟制中爲大成殿東西爲廡前
爲戟門爲泮池左爲省牲所爲名宦祠右爲齋宿
所爲鄉賢祠又前爲櫺星門東爲儒學門爲禮門

折而進于殿後爲明倫堂東西爲修德凝道齋堂
後爲教諭廨又後爲文昌閣東爲御製閣前爲訓
導廨又前爲啓聖祠學西舊有培秀倉射圃及號
房饌舍今廢學前路南爲奎星樓崇禎十四年知
縣李友梅建也順治九年知縣張獻素重修

屯留縣學在東街路北志稱元縣尹陳善重修則
建自元以前矣明朝知縣楚瑁王敦李玘王紳劉
剛金瀾齊宗堯相繼修葺廟制中爲大成殿東西
爲廡前爲戟門爲泮池石爲承造所又前爲櫺星

門殿東正北爲啓聖祠前爲一亭又前爲鄉賢
祠又前爲名宦祠又前爲文昌閣閣西南爲省牲
所今廢廟西爲儒學門折而進於殿後爲育賢門
中爲明倫堂東西爲博文約禮齋堂後爲樂育亭
今廢亭後有筭經樓樓東西爲退講亭爲教諭訓
導廨廟西有射圃亭今廢有學田共地七頃六十
九畝三分四厘六毫每年徵銀二十五兩四錢四
分八厘

襄垣縣學在縣治東南金天會間縣令韓俊創元

縣尹傅仲禮楊綱等及明朝知縣李文柳豸蕭守身李貴和各有所修補功而規制一新則郡守劉公復初指授知縣張嘉福而定也知縣武可則踵成之廟制中爲大成殿東西爲廡前爲戟門爲泮池左爲名宦祠土地祠右爲鄉賢祠又前爲櫺星門殿後爲啓聖祠爲尊經閣學在廟而中爲明倫堂東西爲進德修業齋爲號房前爲禮門又前爲儒學門堂後爲敬一亭又後爲教諭廨西爲訓導廨廟東崇福寺前爲文昌閣東南爲奎星樓有

學田三頃七十四畝除荒徵熟共地四十畝每年徵租穀一石七斗順治十三年知縣鄭 重修潞城縣學在縣治東南金天會間建元 大德間重修明朝知縣張璧杜彪張璟張遇馮惟賢張鶴騰各有增飾功郡守劉公復初助修文昌閣以補風氣廟制中爲大成殿東西爲廡前爲戟門爲泮池左爲名宦祠右爲鄉賢祠又前爲櫺星門殿後爲啓聖祠爲敬一亭今廢學居廟東北隅中爲明倫堂東西爲勤學好問齋前爲儀門爲儒學門堂後

爲教官廡學外東南爲文昌閣東南城上爲奎星樓順治十三年知縣徐大成重修

黎城縣學在縣治南宋建金修後燬於兵元縣尹趙思忠劉渥修復又燬明初知縣崔鳳因舊址復創李善李進魏朝相楊良臣馬麟張遵約相繼修葺而良臣之功鉅廟制中爲大成殿東西爲廡前爲戟門左爲名宦祠爲省牲所右爲鄉賢祠又前爲櫺星門爲泮池學居廟東北中爲明倫堂東爲日新齋爲祭器庫西爲時習齋廟西北一角爲教諭

廡前爲禮門爲儒學門堂後爲櫺星亭學東爲啓聖祠前爲奎星樓東南城角爲文昌閣舊有藏書樓建於元至正間今廢有學田廿八地一頃二十畝每年徵租穀四十七石六斗八升順治十五年生員李鼎黃李芳黃重修准貢

壺關縣學在縣治東南其創始甚久考金季喪亂鞠爲蔬圃元縣尹鄧朗建明朝知縣孫呂士安沈溥著馬興任式何永慶張祥方應明相繼修葺知府劉公復初又爲之改泮池建尊經閣廟制中爲大

成殿東西爲廡前爲戟門爲泮池左爲名宦祠爲省牲所右爲鄉賢祠又前爲櫺星門殿後爲敬一亭亭西爲啓聖祠前爲射圃亭學居廟東中爲明倫堂東西爲日新時習居仁由義齋前爲禮門門東爲文昌祠又前爲儒學門堂後爲尊經閣日新齋東爲教諭廨時習齋西爲訓導廨今裁學前南城上爲奎樓方侯建也順治十三年知縣朱輔重修十五年生員楊振豪重修准貢

平順縣學嘉靖十年知縣徐元道主簿李鸞建初在縣東萬曆二十五年郡守劉公復初以爲幽隘非文明氣象改卜城東北隅捐俸百金粟六百斛得建廟制中爲大成殿東西爲廡前爲戟門爲泮池左爲名宦祠右爲鄉賢祠又前爲櫺星門殿後爲明倫堂爲兩齋堂西爲啓聖祠祠西偏南爲教諭廨前爲儒學門東門城樓爲文昌閣東南城角樓爲奎星樓歷知縣王榮誥崔一龍趙完璽而後功始竣順治十三年知縣丘旦垂里修

各鄉文廟八

一在長治西火鎮宋紹聖間建 一在長治故縣元至正間建

一在長治北董鎮明萬曆時建

一在襄垣禡亭唐時建

一在潞城李庄今屬平順金太和中建

黎城之桑魯北社下遙各一莫謹川建始

淫祠徧海內不厭重復夫子之和也雖達之天下至

郡縣止矣鄉鎮未有另設者吾潞乃獨有其八可

以觀風教而西火逢掖之士五十人自行釋菜禮

北董亦然餘或具廟而禮不行亦可歎

書院

書院者群俊秀而養之用廣正學雖與學校並設

不厭其多也查郡中可紀者七因附廟學之後

雄山書院在長治縣陰城鎮創自宋靖康間元泰定間儒士李桓修復殿廡齋堂畧倣郡

學田二頃松萬株見侵于寺僧尚書惟馨請于禮部榜如前額及還山以為怡老之所今遺址猶彷彿可尋而田與松不知所主矣內有可已亭知非齋萬松亭俱廢

東山書院在長治縣東火村嘉靖間義門仇氏建在東山之巔制甚宏偉隆慶初以圯側

移置本村今為心水書院在聖泉寺康熙五年潞安其家子孫毀廢太守蕭公來鸞建

藕澤書院在屯留縣藕澤村元隱士宋思約建有殿廡講堂

滄溪書院 在黎城縣田溪正德初隱士趙初建
有聖賢道統堂

泰晉書院 在襄垣縣萬曆辛卯知縣楊述中建中
為堂有廊後為講堂亦有廊前為儀門

大門壬子知縣
韓炳衡重修

尚友書院 在壺關縣萬曆乙巳知縣方應明建後
為講堂有廊前為堂亦有廊又前有門

文昌書院 即共學書院也在縣學西創於郡守陳
公儒前有堂後有會講堂有儀門大門

至兵憲王公所用更為恢廓而崇飾之堂後建文
昌祠祠後建會苑館各四楹堂之東西列號舍八

院院各上舍三間左右舍各三間易其額曰文昌
書院書院西為射圃前有坊上有校射亭四楹

周再勳曰自豫章陳公倡明理學學者知明體達

用之功覃懷王公繼之踵事增華人文遂為蔚起

在昔己巳庚午群潞澤之俊彥而皆培養其中無

不日有課月有試十子接案聯窻青燈炳於午夜

號舍不能盡容公亦不時躬臨親為督課非質經

問難甲乙丹黃則樹鵠張侯穿楊校射佔俾之聲

與破酌之聲相間當時海內多事宗伯頒功令於

學宮凡歲試鄉試亦必兼夫閱射乃竟格不能行

公陰用其意使之由而不知而決拾控弦之技固

已滿於膠庠矣誰謂鄉射不可復而王道之不易

易哉在潞則張憲副克儉胡郡丞守德王進士之

相李知縣鍾庚李孝廉甲黃王孝廉育德之仁程中秘之鼎在澤則陳御史昌言楊孝廉桂如皆涵育出身於書院卽不肖如勲者而亦荷陶淑焉其他明經歲薦指不勝屈自郡守劉公復初真實作養之後未有盛於斯者也當與弘正之時比隆而三之矣乃無何公以謗去赤羽旁午後事者遂改爲營房安插兵丁家屬詩書之地一旦化戎馬之場今且鞠爲茂草倘一日者有繼公而起者乎潞小子又何幸焉凡此皆儲蓄人才以爲寧

王禎國之用所關甚鉅故雖世遠跡湮亦必謹而書之者崇正學也亦悲夫踵之者無其人而慨佛老之徒之居之盛世之所重在彼不在此也

社學

古人重蒙養明初廣設社學潞州時在城者八一在州治前一在潤德坊一在西關廂一在西門內一在北關廂一在北門內一在南門內一在關王廟側各鄉四十餘處各就廟寺擇有行學者群民間子弟而教育之厥後漸廢萬曆戊子張侯王敬

清查之及新增僅得六所喪亂之後今并六所亦不可問則外邑可知矣而必詳載者所關蒙養匪細亦存羊愛禮之意以俟留心造就人才之君子也

長治縣六所一在縣西

即前潤德坊故處

一在五龍廟左

即前西門內故址

一在華陽廟側

即前北關故址

一在北門內西

即前北門內故址

一在西關廂

即前西關故址

一在南門內東

張侯

新易者

各有亭四楹前有門惟北門內有左右舍

長子縣三所一在縣治前一在通玄觀門內一在

遵化坊

屯留縣社學志稱今廢

襄垣縣一所在申明亭南

潞城縣一所在縣治東南

黎城縣一所舊在縣治東北廢圯不可復知縣雷

夢澤新建於城隍廟西有亭四楹

壺關縣一所在申明亭南

平順縣舊志不載

李中白日小學廢而作聖無基社學者小學之遺

意也古者八歲而入小學教以灑掃應對進退之節禮樂射御書數之文而又有曲禮少儀內則弟子職諸篇講明誦讀故皆習於辱事而知父兄之尊卽有跣跣血氣亦皆柔而不敢騁比其三年九年俱爲有用之成材而非迂濶不適於用者矣輓季名士旣耻爲蒙師而統袴貴介子弟驕倨性成復輕慢其師長源本不端模範豈正况乎孩提雜揉漫無規矩喧呶嬉戲無所不至其所朝夕呶啻者皆鄙俚淺俗之書吡以傳吡轉相授受則使他

日俸成所學一無所用於是縉紳詩禮之家相戒不入社學恐其性情未定受其滌染故也又何怪乎旋立旋廢不可經久乎故必師道尊而後蒙養正蒙養正而後聖功全此非三家村學究所能勝其任也是在主持風教者加之意耳

建置十

群祀

本府

社稷壇 在北門外稍西

風雲雷雨壇 在南門外龍泉橋西

厲壇 在北門外稍東

八蜡廟 在南門外稍西以上三壇一廟崇禎十三年為賊將劉忠拆毀順治十四五年郡守

楊公駿續興版築重松栢樹株

城隍廟 在城中洪武初竺知州克仁建後燕知州雲馬知州墩張知府子順重修而近廟之

民亦續有修飾棟宇雄麗規模弘敞亦勝槩也

文昌祠 在府學城東南隅亦有專祠

名宦祠祀

漢任 敖 苟 諫 趙 興 以上俱上黨守 詳郡縣志

晉温 嶠 吕 温 俱上黨太守 詳郡縣志

魏鄭 渾 上黨太守 詳郡縣志

隋柳 昂 辛彥之 潞州刺史 詳郡縣志

唐王行敏 姚 崇 李 濬

李嗣真 以上俱潞州刺史 詳郡縣志 宋 璟 上黨縣尉 詳郡縣志

郭子儀 汾陽王兼朔方河東北庭潞節度使

王思禮 程千里 李抱玉

李抱真 王虔休 郝士美

盧 鈞 辛 秘 沈 詢

李克修 孫 揆 以上俱昭義節度使 詳節鎮志

李毅銳 潞州刺史 詳郡縣志 孔 戡 昭義節度掌書 詳節鎮志

後唐李嗣昭 節度使 詳節鎮志 裴 約 澤州知州 詳將帥志

梁葛從周 昭義節度使 詳潞州志 牛守節 潞州都指揮 詳府衛志

宋王 曙 吳元晟 尹 洙



原件短缺

P16

畢士安

以上俱潞州知州詳郡縣志

劉文濟

上黨縣令詳郡縣志

苗時中

司錄參軍

張確

韓昭

俱隆德知府詳郡縣志

金沈璋

潞州知州詳郡縣志

蕭仲宣

李晏

孫德源

張開

梁鏜

以上俱昭義節度使詳節鎮志

納合蒲刺都

元帥左監軍詳府衛志

元鄭玘

陳伯福

周幹臣

以上俱潞州知州詳郡縣志

關保

虎林赤

俱左轄詳府衛志

明張三同

潞州同知詳郡縣志

才

寬

張

萱

周昊

以上俱潞州知州詳郡縣志

王致中

潞州學正詳學校志

後唐李

肇

司徒詳各賢志

宋李崇矩

太傅詳各賢志

李繼昌

連州刺史詳各賢志

李處耘

檢校太傅詳各賢志

李繼隆

中書令詳各賢志

李繼和

鎮州防禦使詳各賢志

王

陟

轉運使詳各賢志

苗授

保康節度使詳各賢志

王

彥

洪州觀察使詳各賢志

張仲容

屯田員外郎詳進士志

金董文甫

武昌節度副使詳進士志

王良臣

孟州防禦使詳各賢志

張溫

進士及第詳進士志

元王天祐

太常博士詳薦舉志

高

鵬

少傅詳各賢志

劉宣 吏部尚書 詳各賢志

李孟 平章詳 各賢志

嘉彬 湖廣行省僉 事詳各賢志

李庚 內臺中丞 詳薦舉志

秦起宗 兵部尚書 詳各賢志

曹伯堅 郎中詳 群材志

靳克忠 河中知府 詳各賢志

王守忠 絳州知州 詳群材志

董誠 戶部尚書 詳各賢志

李公弼 沁州節度同 知詳群材志

曹璣 東平路總 管詳群材志

李惟馨 兵部尚書 詳各賢志

明李鐸 江西僉事 詳歲貢志

暴昭 刑部尚書 詳各賢志

李昱 光祿署丞 詳各賢志

王佐 西平知縣贈光祿 少卿詳各賢志

李紀 運使詳 舉人志

王廷相 兵部尚書 詳遷徙志

張序 監德知縣 詳歲貢志

李新芳 御史詳 各賢志

李延康 湖廣副使 詳各賢志

趙希夔 布政詳 各賢志

劉龍 兵部尚書 詳各賢志

程應登 知州詳 各賢志

李如桂 副使詳 進士志

任環 光祿卿詳 各賢志

郃光先 兵部尚書 詳各賢志

吉廷弼 訓導贈獲鹿縣 知縣見歲貢志

國朝李呈秀 封內翰林國史院檢討邑侯王公功成 看孝友素敦內外無間學窮至奧獨吹

太乙之藜理會真詮直造尼山之室義方訓子諄 諄然以忠君報國為期惻隱存心汲汲乎以濟

人利物為事且也嫗室非公不見滅明之跡程門 惟峻每多游酢之徒處富貴而不知其富貴大哉

丈夫謀道德而實踐乎道德允矣君子原係通國 之稱賢誠宜黷官之永祀郡守楊公峻看孝友由

於天植學問湖厥淵源教子名芳克敦義方之訓
 濟人德懋共推焚券之風留心著述雅堪待後守
 先矢志清忠不媿廉頑立懦爵已晉於清要卑牧
 自如祿業享乎千鍾布蔬無改爰考生平洵稱捐
 謹輿論既憐廟祀宜崇督學錢公受祺看含靈粹
 穆秉質弘明博綜群書識精理奧楷模大道學蔚
 人宗立身敦張仲之行濟物本文正之志蠲金作
 鎮義亟公家焚券樂施仁賜里族鳳輝丹穴訓以
 方而忠愛為期龍錫華封寶吾鼎而謙冲彌劭
 親有道之里如登山者仰極高華升太史之堂猶
 觀海者探源星宿誠哉可師可法允宜于豆于登
 紳衿父老文繁不備錄見封廕志

李中白曰先大人存心治行悉在人耳目間白謬
 叨執事之列不敢直書謹就各公祖父母所看列
 詞于右則今日之鄉評異時之輿論統俟後之君

子裁擇焉

弘治時馬侯職始創名宦鄉賢祠當時博訪精擇
 名宦得十六人鄉賢得十人耳後數倍四五而當
 祀者不無見遺甚矣藻鑑之難而去取不可太易
 也而尤有所當正者沿習州制也業已專立縣庠
 則名宦之官于縣者宜祠于縣名宦祠鄉賢宜盡
 歸之縣鄉賢祠而拔所屬之更賢者祀之郡鄉賢
 祠始為得體

義陽王祠

祀唐節度李抱真在府學

三忠祠 在城東南隅原額二忠祠祀宋隆德知府張確官此土者明西平知縣贈光祿少卿王佐生此土者嘉靖十二年知府宋圭改二仙廟建立崇禎十五年巡撫蔡公諱懋德復增入鄉賢任公環為三忠祠舉人鮑奇有記歲久傾圮郡守楊公峻重修

暴公祠 祀刑部尚書暴昭李裕州尚實謁詩二首

○燐火宵紅照樓白旗畫捲大江流雲

馳鉄騎電鼉吼天入金壇龍虎愁豫讓誓教留趙

廁張良到底報韓仇我來蘋藻高祠晚一片西風

蘆荻秋尚書祠屋古城新小撥溪毛薦渚蘋左右

何勞兵義士乾坤故使有頑民直言晁氏將安漢

錯把周官解誤人夜閣一龕燈火寂青青廟木杜

鵲春祠原在文昌祠之右兵火頽毀鞠為茂草郡

守楊公峻改

建於南營

公峻
重修

長治縣

名宦祠祀

明薛騰蛟 尹 梁 張嘉孚

丁惟寧 李仙品 以上俱知縣 詳郡縣志

建縣以來入者五人其宦績方隆者尚未敢議而

唐有宋璟 縣尉 入郡祀以未立縣學也今自當還

之縣庠宋有劉文濟 上黨 令 與王曙辨疑獄元有郭

從善 上黨 尹 能積儲繕甲親率民兵與關保虎林赤

倚角破賊地方藉安尤宜急祀

鄉賢祠祀

明任環前見府學

張邦彥汶上知縣詳名賢志

陳吉禹州知州詳進士志

鮑龍慶陽同知詳進士志

鮑承蔭布政詳名賢志

國朝李呈秀前見府學

長子縣

社稷壇在城西北隅

風雲雷雨壇在南關稍西

厲壇在北關外偏西

八蜡廟在北關外

城隍廟在縣治西

風伯雨師廟在縣西北三十里壁村

崔公祠東門內專祠崔珏而郡城東門內屯留縣治東襄垣縣治東南壺關之南閔黎城之

故縣平順之竇口皆有祠攝虎之威服人深也

名宦祠祀

唐崔珏縣令詳郡縣志

宋邵伯溫縣令詳郡縣志

金烏塘縣令詳郡縣志

明阮河典史

郝景隆主簿

芴鶚

徐固

沈應時 以上俱知縣 詳郡縣志

陳浩 教諭詳學校志

鄉賢祠祀

漢鮑宣 司隸校尉 詳流寓志

魏堯暄 司農詳名賢志

元宋子貞 平章詳名賢志 宋道 太子賓客 詳名賢志

王綱 隱士詳名賢志

明栗恕 吏部尚書 詳名賢志 任毅 工部侍郎 詳歲貢志

阮勤 侍郎詳名賢志 張美 禮縣知縣 詳舉人志

王瑀 湖州教授 詳歲貢志

屯留縣

社稷壇 在城西 風雲雷雨壇 在城南 厲壇 在城北

城隍廟 在縣東南隅 八蜡廟 在縣東南隅

韓太守祠 在縣北祀宋縣德府知府韓昭

名宦祠祀

唐薛僅 縣令詳郡縣志

金張乞驢 縣令詳郡縣志

元張鵬翼 劉依仁 陳善 以上俱縣尹 詳郡縣志

明洪鈞 李崙 王紳 以上俱知縣 詳郡縣志

韓俊 教諭詳 任者秦 知縣詳

國朝孫光耀 知縣孫奎之父順治四年正月鳴水村
光耀率丁親捕之墜馬被殺此當另
立專祠而不應入名宦者也

鄉賢祠祀

漢鮑永 河隸詳 鮑昱 太尉詳

魏王聰 隱士詳

元宋思齊 潞州判官詳 宋思約 隱士詳

明李達 御史詳 李春 僉事詳

王紹 副使詳 馮斐 僉事詳

李尚智 都御史詳 路王道 光祿詳

暴孟奇 參政詳 暴謙貞 太常少卿詳

襄垣縣

社稷壇 在城西 風雲雷雨壇 在城南 厲壇 在城北

城隍廟 在縣治西南 八蜡廟 在城南

文昌祠 在儒學前 劉文安公祠 在儒學前祀明尚書劉龍

名宦祠祀

金喬晨 仕襄垣詳 韓俊 縣令詳

明張曉 劉瓚 劉明

賈希顏 蕭守身 以上俱知縣 詳郡縣志

鄉賢祠祀

周豫 讓 義士詳 名賢志

魏楊 引 孝子詳 孝子志

元楊仁風 中書左丞 詳進士志

張 佩 義士 無考

張 碧 沂州同知 詳舉人志

連 肇 集賢院學士 詳進士志

明連 楹 御史詳 名賢志

王 擴 推官詳 舉人志

李 濬 都御史詳 進士志

劉 端 學正詳 舉人志

劉 黎 副使詳 尚書 詳舉人志

劉 鳳儀 員外郎詳 尚書 詳名賢志

劉 龍 尚書詳 各賢志

崔 和 知縣 貢孝子

王俊臣 贈東鹿縣知 縣見封蔭志

涇城縣

社稷壇 在城 西北

風雲雷雨壇 在城 南

厲壇 在城 北

城隍廟 在縣治 西北

八蜡廟 在城 東

李衛公廟 在縣東北三十里相傳以為占籍涇城 非也蓋其征行所經之地號令嚴肅居 民不為兵卒所擾感德立祠而五代漢起兵默禱 果獲靈應因而大加修飾今郡城東郭及壺關北 郭黎城王家庄平順赤壁村皆有行祠崑山葉盛 詩曾於南廣拜靈祠清潞於今復見之血食固宜 垂永世勳名何止冠當時閑花野草春風在枯木 寒鴉夕照遲亦有殘碑寫西岳摩洋不覺髮成絲

陽城原傑和潞城東畔衛公祠景仰英風一吊之碑寫岳書銘在昔簡遺將畧式今時氣滋碧草春生早竟返蒼冥具月落遲古廟山廻人到少虬松黛栢掛蛛絲

各宦祠祀

宋谷大同 縣令詳郡縣志

金張資祿 縣尉詳舊郡志

元劉依仁 縣尹詳郡縣志

明張一璧 宗孔張

璟 俱知縣詳郡縣志

王溥 知縣政績無考

鄉賢祠祀

春秋仲章 詳名資志

宋張延通 都監詳群村志

明韓錦 義士詳義士志

國朝申尚德 恩貢詳貢士志

黎城縣

社稷壇 在縣西北 風雲雷雨壇 在縣南 厲壇 在縣北

城隍廟 在縣治東北 八蜡廟 在縣東北

文昌祠 在儒學

各宦祠祀

宋張泛 孫渤 俱縣令詳郡縣志

金李晏 縣令詳郡縣志

元白謙 馬復 俱縣尹詳郡縣志

明崔鳳 宣和 李善 金山

劉一清 苟京 楊良臣 馬麟

李良能 張遵約 張夢鯨

文運衡 以上俱知縣詳郡縣志 田有年 訓導事蹟無考

鄉賢祠祀

元權執中 鈞州同知詳郡縣志

明趙博 鳳翔知府詳進士志 李世芳 兵備詳進士志

王景明 知縣詳歲貢志

國朝李養志 訓導見歲貢志

壺關縣

社稷壇 在縣西北 風雲雷雨壇 在縣西南 厲壇 在縣北

城隍廟 在縣南四家池 八蜡廟 在演武場西今廢

杜四輔祠 在縣南林青村 漢三老祠 在西門知縣方應明建

名宦祠祀

元鄧朗 縣尹詳郡縣志

明王祐 李用敬 俱知縣詳郡縣志

鄉賢祠祀

漢令狐茂 三老詳各賢志

唐苗晉卿 太師詳各賢志

元任尚志 元帥詳群材志

明杜勃 四輔詳各賢志

馬繩武 同知上都詳群材志

楊奇 參政詳各賢志

平順縣

社稷壇 在縣西北

風雲雷雨壇 在縣西南

厲壇 在縣東

城隍廟 在縣西

八蜡廟 在縣前

夏公祠 在舊儒學東今廢

名宦祠祀

明徐名揚 知縣殉城詳郡縣志

鄉賢祠祀

元李景章 澤州知州本潞城今其里割入平順故平順祀之詳群材志

歷代帝王將相廟

神農廟 在長治縣百穀山神農嘗百草於此因立廟祀焉肖像甚古北齊時重建順治十二年知縣王功成重修長子北関亦有廟神農嘗于羊頭山得嘉穀也即所稱秬黍

大禹廟 在壺口山西莫詳創始宋咸平中重建屯留之浮山路城南十里壺関之辛村平順

之候壁皆有廟禹治水經歷之所也

殷三仁廟

在潞城縣東二十里金楊漢卿明李政修俱有記

唐太宗廟

一在郡城南門內一在長治坡頭嶺一在長子縣東南古城隅一在壺關縣南

四家池帝有吞蝗功故奉祀惟謹

玄宗廟

一在長治之西火村遇郝處士之所也一在屯留東南二十五里一在黎城南保村

皆其出獵之地

留侯廟

在屯留水南村

關帝廟

在郡城舊藩府西長子城隍廟東屯留縣治西潞城縣西南隅壺關黎城之南隗今

郡城四圍各巷各閭及各鎮各村凡闔閭之中閭開之上上望之棟宇輝煌樓閣崔巍皆神像也下至三家之市環堵之家莫不崇奉而愚夫愚婦一抱不平指神相誓則慄慄变色蓋其大義精忠通天貫日故威靈備服人心自肅

華陽君廟

在郡城北隄馮亭墓前

馮將軍廟

在黎城城隍里祀馮奉世

此皆有功於世即無德於潞而崇奉之亦人心也况

玄宗以潞為龍潛德澤最深兩馮又其宦遊故里乎

魏文帝廟

一在屯留疑山一在襄垣神頭山

隴西王廟

俗稱慕容廟在郡城西南營祀慕容永舊志以為慕容暉誤也詳辨疑志

慕容將軍廟

慕容赤土也一在襄縣西相傳魏孝文將幸潞天地昏

黑凡五日帝不敢進問變故赤土極言時政之失剖心以明天遂開朗故屯留有疑山襄垣有五陰

山而將軍亦有廟以祀之

雖其人無足取然身歷之地創廟未必無因而慕

容走死收塋立廟尤見人心之厚也

神祇

玉皇廟 郡城南馬房頭新建壺

北極廟 一在壺關栢林村有松數百株開科郭紳曾于茲借笏一在黎城金牙山

三官廟 一在郡城西南一在襄垣縣治西一在黎城西關

真武廟 郡城北營長子上方村襄垣東門內壺關南川底皆有廟

東嶽廟 郡城衛前及南營長治之西火長子之北秦庄廟皆宏麗其餘鄉鎮尚多不能悉紀雖非境內之神人以其掌生死之籍故崇奉尤切

二郎廟 一在郡西關一在黎城東陽關

仙流

二仙廟 在壺關縣東南紫團鄉廟貌宏麗香火來及相衛祠宇徧於澤潞郡城東南隅長治

之韓川嶺橋頭村屯留之李村襄垣之白石梯黎城之北社董壁平順之赤壁其餘窮鄉絕嶽專祠不可勝紀蓋神節孝天成百世之下令人感慕不忘故崇奉之盛獨邁本地冲舉諸仙

三仙廟 在黎城 八仙廟 在屯留 蓮花崗

本境山川

五龍廟 在長治縣五龍山陳汝羲謝雨詩馬踏山雲徑路高樹頭風脚靜蕭騷已知神物爲

霖意須念農夫促澤勞頓使萎苗如日握却回枯壤作春膏潤勤本是諸侯事看取當年魯史褒其刻風骨道勁神采類古栢行而字畫爲大過客登覽多愛重之金澤禱雨詩曾覽圖經說異祥如今

始識五龍鄉靈湫漫漶通深谷雲氣微茫接太行
 亭掖丹屏松栢秀碑橫翠琰蘚苔蒼我來默與神
 相禱願施甘露溥八荒栗應麟遊廟詩絕嘯龍祠
 紫翠中褰帷拂曉入巉巖三山海氣蒸初日萬壑
 松濤走半空朝夕風雲隨世變古今登眺幾人同
 若知度水尋花意始信桃源有路通神能出雲致
 雨有禱輒應民甚崇奉郡城西門內長治之雄山
 巔屯留之良材嶺平順之張井襄垣之北門皆有
 祠行

九龍廟

一在郡北開村一在襄垣
 獅山一在黎城王泉村

靈湫廟

在長子縣
 郎漳源

三巖廟

在屯留縣三巖山神最顯應祠徧各州縣
 郡城西門內及壺神頭長子之西郭潞城
 西十里壺關北三里黎城之西什村平順之王庄
 其餘鄉鎮建立者不可勝紀與五龍皆山川之望

而香火
 尤繁

白龍王廟

在屯留縣
 北常村

龍泉廟

在屯留縣
 西北二里

昭澤王廟

一在襄垣縣治東南一在黎城隴阜山
 生于襄垣修真于隴阜其建於長治者
 一在蘇店鎮
 一在五馬村

風洞廟

在潞城縣北
 四十里

龍王廟

一在潞城東門內
 一在黎城三皇山

黑龍王廟

在黎城
 上壁臺

嵐山神廟

在黎城縣
 西二十里

靈源聖井

廟在黎城縣東
 北長垣村

大乘山神廟

在黎城
 大乘山

風穴廟

在壺關縣東北
 十里王嶺村

蒼龍王廟

在平順
 張井村

利用民生

穀神廟

長治南
 三十里

藥王廟

一在郡城城隍廟前
 一在郡之秋谷山

在壺關東
南鳳凰山

盧醫廟 在潞城
東南山

馬神廟 一在郡
西營一在郡城東營
在長子縣治東

相沿前代封號

炳靈王廟 在長治
縣後

靈顯王廟 在屯留
南門內

明靈王廟 在黎城
白官庄

廣禪侯廟 在黎城
保村

靈應侯廟 在長子方山俗傳神鑿
帝堯疾黎城長寧村亦
有祠

右皆沿襲香火人不忍絕

敢無謂者

潞子嬰兒祠 在黎城東南十五里
潞祠一山奪我黎
邦非晉城之不足以
愧神人之憤祀

之何
焉

夏王廟 在平順寶口以祀寶建德謂其邑人也史
稱建德漳南人非上黨屬邑即真邑人乎

流毒當時駢首就戮足為
邑人羞祀之何焉

廣武君廟 在平順之廣李以為左車墓地通志舊
志未載今難遽信而祀之

廣武雖與潞無涉人尚足取彼二人何為者哉

補風氣而建者

三教堂 一在長治縣治東知縣閻溥建一在
襄垣縣治東莫詳建始

文昌閣 一在長治縣東知縣陶鴻儒建一在二仙
廟巷知縣杜懋哲建一在壺關縣東山知

縣方應
明建

生祠

明御史趙公祠

在郡城西關各文炳任縣人侯代駟
溢稅使假巡歷而來橫索富民許告

許郎毀其家他郡不能支路以公在得免皇紬苦
在催督官緝難在交納公悉為裁抑民稱便地方
有奸盜無不知知即鏟去其他德政在通省者不
具述也公已矣士民過祠起敬如生

郡守劉公祠

名復初高陵人一在郡西關一在壺
關縣一在黎城縣一在平順學公紫

已為民精堪輿論凡可修
補不難蠲濟故隨在有祠

郡丞童公祠

各世彥榮縣人在黎城縣救荒
立舍際民感德立祠

長治尹李公祠

各仙品高陵人祠在郡西
關陞後民追思建祠

壺關尹方公祠

各應明祠在縣北關
調繁洪澤民思建祠

郡守陳公祠

各儒在
西城關

冀南道王公祠

各肇生在郡城西橋
頭黎城縣俱有專祠

清冀南道武公祠

各延祚三韓人在
郡城西橋頭

夫祠以報德也潞歷漢及今有功德於地方者豈
僅僅數公哉其深入人心爛然竹帛即名不能盡
收指其事而數之婦女皆能聖賢不在祠與不祠矣

潞安府志卷七終

潞安府志卷八

建置十一

里甲鄉鎮

長治縣州治時原編一百八十里後文丙都告併
三里編爲一百七十七里在城曰坊坊有九編里
二十三在關曰廂廂有三編里四郊外曰鄉鄉有
四一曰太平領都十四編里三十有八二曰五龍
領都十一編里三十有九三曰八諫領都十一編里
三十有一四曰雄山領都十一編里四十有二崇

積時仍編一百七十七里但在城省八坊太平鄉省一里五龍鄉省一里八諫鄉省一都增二里節經兵亂殺擄不成里甲至

國朝順治七年署縣事錢推官鑰申允照依人丁均編為一百里內在城一坊坊領七里一關廂廂領一里太平鄉領一十四都都領二十里五龍鄉領一十一都都領二十六里八諫鄉領十都都領二十一里雄山鄉領一十一都都領二十五里順治十六年裁去潞州衛將潞州衛潘陽衛改立

潞潘一里群牧所儀衛司改立群儀一里皆歸併

於長治縣其村居錯落不能盡書書其成市集

而為鎮者十有五 高河 漳澤俱太 北董

蘇店 南董 郝店 韓店俱五 八義金史

東和俱八 王坊 桑梓 蔭城 大峪

西火 師庄俱雄 山鄉

長子縣在城六坊在關二廂在鄉二坊各繫以在

鄉之里計八十有三日崇文坊領里九日理仁坊

領里九日安懷坊領里九日迎恩廂領里九日清

平坊領里六曰仁和坊領里八曰集賢坊領里九
 曰遵化坊領里九曰太平廂領里八曰永興坊領
 里七崇禎時併為四十四里在城六坊領二十八
 里在關二廂領一十一里在鄉二坊領五里

國朝順治二年知縣賈含真奉文歸併在城六坊領
 一十七里關外二廂領七里在鄉二坊領三里共
 二十七里九年知縣張獻素復均里甲每坊廂各
 領二里共十坊廂二十里 有鎮四 鮑店
 布村 噓村 大閘

屯留縣原編四坊五鄉二十都六十一里後更為
 六坊四十四里坊在城者里在鄉者也曰遵教坊
 領里七曰遵政坊領里七曰文奎坊領里七曰蓮
 池坊領里八曰仁義坊領里八曰忠信坊領里七
 至明季歸併三十六里在城六坊每坊領六里八
 崇禎五年署事經歷杜冠世奉文歸併二十二里
 遵教仁義二坊各領三里遵政蓮池文奎忠信四
 坊各領四里 有鎮七 余吾 寺底

金史已載

上村 豐儀 邊寨 丈八佛 中村

襄垣縣原編四鄉七都九十里後併為四鄉九坊
 都六十坊里一曰永豐鄉領坊里一十四二曰平
 善鄉領坊里一十五三曰長樂鄉領坊里一十四
 四曰甘泉鄉領坊里一十七崇禎六年知縣謝登
 第酌議歸併舊九坊今改里各不相領共二十八
 里 有鎮五 禮亭 金史 七載 夏店 下良 長龍 西營
 潞城縣原編四鄉十一都九十七里嘉靖中創建
 平順縣割去一十六里因併八都編八十一坊里

而四鄉如舊曰平原鄉領里二十曰善政鄉領里
 二十四曰潞川鄉領里二十曰葛井鄉領里九而
 分屬于在城之八坊廂合之為八十一里後奉文
 節次歸併為三十六里順治七年知縣楊萬春又
 併為二十六里分為四鄉東曰懷仁東里領四里
 南曰執禮南里領七里西曰嘉義西里領七里北
 曰崇智北里領四里 有鎮六 黃碾 安昌
 潞河店 微子店 南陞 其神頭一鎮今漸廢
 黎城縣原編四十五里嘉靖中割去五里奏建平

順縣嗣復併集編里二十八分四鄉領之東曰平賢領里七南曰漳源領里七西曰隴阜領里七北曰玉泉領里七至明季併為二十七里

國朝順治十四年知縣馮鏞又併為十九里德化坊領四里北關廂領四里宣谷坊領四里南關廂領

三里 有鎮三十 常寧 西井 南陌

壺關縣原編八十九里嘉靖中割去十里湊建平順縣止存七十九里分為四鄉曰三老領里二十曰紫團領里十九曰崇陽領里二十曰通潤領里

二十五至明末併為四十三里

國朝順治十二年知縣郭騰躍又併為二十四里三老鄉領七里紫團鄉領五里崇陽鄉領五里通潤

鄉領七里 有鎮二 大峪 半屬長治 馮坡

平順縣原割潞城十六里壺關十里黎城五里共三十一里分為四鄉曰文化領里八曰平北領里七曰信民領里八曰關東領里八

國朝順治五年知縣段昌祚併為一十九里十一年知縣余廉徵又併一十八里十四年知縣丘旦又

併一十七里 其四鄉仍舊無大市鎮紀其人煙
稍集者有 龍真 羊園 杏城 趙城 花園

建置十二

驛遞舖舍

置郵傳命從來以矣歷代相沿以其微冗不載考
之唐史有龍泉驛五代史有太平驛宋史有白馬
驛上黨西韓村石碑記謂通南北往來之驛路而
潞城秩文亦載潞川驛是潞各縣從古固有驛也
載籍湮泯驛雖設官已無可稽况舖舍哉姑從今
記

漳澤驛

洪武二三年設于郡西漳澤村八年
原額馬騾

四十八匹頭順治九年裁去馬八匹十二年又裁

去馬八匹見今在驛馬騾三十二匹頭

固益通運所洪武三年設於長子南固益村八年遷置於縣南關原設夫

一百名順治十二年裁去一十三名今止存夫八

十七名今所裁大使夫附於縣

余吾驛在屯留縣西十八里古余吾城與漳澤驛接今移置屯留縣西關學憲王汝孝書

吾驛壁詩游子倦行役悠悠懷故鄉明星燦夕彈

飛旆疑朝霜髮以憂時改心緣問道長歸田欲有

賦豈學阮生狂大叅高叔嗣詩微雨潤春城層雲

冒空山山訟庭放散吏高閣掩重關緩帶不遑息投

身簿書制惟昔郎署居此時曹務閑焚香娛道心

服藥養麻顏良游木易再行役何前還邊城多客

愁日夕鬢毛斑原額馬騾四十四匹頭順治十二年撥協霍

山驛五匹蒙城驛三匹今止三十二匹頭原設夫

八十名順治十二年裁去十名今止存夫七十名

附于縣

虎亭驛在襄垣縣西北六十里古銅鞮治本晉虎祈宮漢更名爲虎亭今祖其名爲驛與余

吾驛接北達沁州原額馬騾五十四匹頭順治九年裁去十

匹十二年又裁去八匹撥協蒙城侯馬兩驛今止

存馬騾三十二匹頭

虎亭通運所在驛西今亦裁去原設募夫一百一十二名

順治十二年裁去十五名今止存夫九十七名以
 上三驛乃省會通衢南達中州北入雲中往時僉
 各縣富民協濟祇應使客蹂躪鞭笞摧辱橫索十
 年一後未有不破業者巡撫萬公諱恭廉其弊立為
 章程不禁而戢所省殆十九某公諱更為召募以
 近驛居民充役馬騾給於官願芻豆挨次差遣夫
 則計道里給廿六直使客知貧民無長物亦不橫索
 百年積蠹牢不可破二公鏟去其根不使再發其
 造福全晉豈但省百千萬計一二世蒙其澤也哉

國朝改為官養官應更屬稱便

驛通官之可攷者有余吾驛丞吳珣委署虎亭驛運所遂建所

治其才可知

長治縣舖八 總舖在上黨門外 壺神頭舖通壺

埃南庄舖 高河舖通長子 史家庄舖 漳澤舖

通屯 關村舖通潞城 華家庄舖通襄垣

長子縣舖九 總舖在東關 辛庄舖 宋村舖通長

治 堡頭舖 冲仁舖 張店舖通高平 鮑村舖

馬村舖 張庄舖通屯

屯留縣舖十

總舖在縣前

宋庄舖

鳴水舖

史村舖通長治

魏村舖

余吾舖

武庄舖

交川舖通鹿亭

席店舖

田庄舖通長子

襄垣縣舖一十八

總舖在縣前

王橋舖

泉水舖通潞城

上村舖

偏橋舖

下袁舖

木佛舖

申頓舖通武鄉

瓦子嶺舖

榆林舖

五嶺山舖通屯留

新興舖

耳泉舖

夏店舖

獅山舖

太平舖

虎亭舖

赤壁舖通沈州

潞城縣舖十三

嶺舖在縣前今改為公館

石岡舖

馮村舖

神頭舖

潞河舖通黎城

翟店舖

南垂舖

史坊舖

河拜舖

王禮舖

故亦舖

張庄舖

李村舖通屯留

黎城縣舖五

總舖在縣前

西件舖通潞城

亭河舖

故關舖

兒峪舖通法縣

壺關縣舖二

總舖在縣前

石橋舖通長治

平順縣舖二

青羊舖在南關

羊井舖通長治

以上各舖設舖司舖兵名數多寡不同用以急遞

公文近添設巡舖鄉民挨守以備盜賊不具書

各

建置十三

橋梁

附石陣河渠

龍泉橋

在郡南關

金橋

在郡西南關唐玄宗封太山

食上受之親加存問賚錫有差有識悉賜酒食話
 舊所過村部詢孤窮喪疾之家弔恤之父老忻忻
 瞻戴叩乞駐留及過金橋御路蒙轉顧見旗羽鮮
 嚴謂左右曰張說言我勒兵三十萬旌旗經千里
 真才子也遂召吳道玄常無忝陳闕令製金橋圖
 聖容及所乘照夜白馬陳闕主之橋梁山水車輿
 人物草樹鷹鳥器仗帷幕吳道玄主之狗馬駝騾
 貓猴猪舳舻四足之屬韋無忝主之圖成時稱三絕
 方玄宗別駕時有童謠曰聖人持節過金橋至是
 果驗潘炎有賦曰汚彼流水今清且漣漪度木爲
 梁兮斯焉在斯成金橋之巨麗得鉄鑠之宏規當
 其受以全模觀其曲而經始也則人火朝流成功

焉乃天根夕見彰於聖德祭彼謳歌千人唱萬人
和丹雘蜿蜒倚晴空之蝶蝶瑰材儻比超度海之
鼃鼃人且告符功惟用壯非填鵲之可比法牽牛
而為狀鶴鳴處干鷹覆睛川異東明繫水而投步
匪秦帝驅山而著鞭惟彼童謠今言猶在耳大人
應運兮奉天而起乘彼橋以徑道按馬道以如砥
於是提三尺乘六龍懷萬邦入九重
老胡橋 舊名通晉橋在郡城西三里舊橋圯有屬胡
石子河橋 在北關外萬曆四十五年僧妙光募化造
而咸因以名橋

永濟橋 在城南韓店創自宋宣和間元時重修
淘清橋 在郡南淘清河河源

流頗遠又委曲而來夏月有暗漲趨避不及漂沒
者多嘉靖中鄉民建工頗巨民便之今衝激就圯宜
急修治則費
壅水橋 在長子縣北三甲壅水上
藍橋 在長子縣
北藍水上洪武中縣丞馮道一古建
上頗巨行者稱便今崩圯過平
仙濟橋 在屯留縣

馬水橋 在屯留縣馬水村今廢
良馬橋 在屯留縣邊寨

永惠橋 在襄垣縣其水上知縣張曉建
太平橋 在襄垣縣紫岩寺東宋天聖二年建成化間知縣王溫劉瓚重修

市橋 在襄垣縣故城先天觀後相傳以為豫讓伺襄

子之橋未詳是否
虎亭橋 在襄垣縣虎亭鎮
南營橋 在襄垣縣西北

潞河橋 在潞城縣北路河上嘉靖中奉旨創造費數萬資竭各郡

力二年始成無何一雨衝沒蓋山澗合
石梁 在潞城縣北四十里臨潞

荀林父伐曲梁即此
鳳棲橋 在潞城縣東十五里

微子橋 在潞城東
黃山橋 在壺關縣南三十里其橋甚古莫詳建始

合峪橋 在壺關縣墟壤村
進德橋 龍溪橋

在壺關縣北俱元時建金陵孔廕詩壺關二月氣
蕭森滿地風塵接暮陰行過溪橋問春色數株松
栢對孤岑

田溪橋

在黎城縣北

峪石橋

在黎城縣東北

故縣橋

在黎城縣西北

吾兒峪橋

在黎城縣吾兒峪

鳳凰橋

在黎城縣辛村

石橋

在黎城縣橫山下

天橋

在平順縣石灰

栢橋

在平順縣遷善里以栢木結構而成古朴且堅

龍行橋

在平順縣

王曲

漳水浮橋

長子之南五里長治之高河漳澤襄垣之付壁路城之河南店

黎城之趙店北馬平順之王曲皆於農隙搭造春
深撤去亦有不及徹而衝沒者惟高河漳澤舊有
板橋平順揭知縣文獻亦嘗造之可駕可卸以為
省便然非隨時修補數年必壞故舊志栗金憲欲
效淳沱河造小航二隻板橋一架夏秋水漲則捲
橋用航以利涉冬春水合則維航用橋以利行力

不多實人亦通濟似亦通融經久之
策也

潞郡依山溝澗頗多非橋不免于病涉且虞漂沒

之患近日隨地添修不可勝紀如郡城外寨子村

信義蘇店西南關長子門黑水河無慮十餘橋即

紫團盈盈一水山中之曲徑耳范金礮石亦建名

橋二三其各縣各鄉又寧可紀吾獨念夫創建難

修補易一木一石之壞而即治之則橋固數百年

之利也

橋梁之外可紀者有石牖三

一在長治韓店

即古

西韓村居東西兩山之間雨集溝澗奔流傾注而來土性疎緩激為深澗官路傾圯至棧閣而行全明昌初節度使李晏議修石蹕於轉折之處兩傍建石壁數仍下鋪巨石中疊石蹕十餘級於是東水西合于漳其舊澗填塞非數百萬簣土數年功不能就晏令削木為籤縱橫置澗中其後山水復至浮屑淤壅塗澗遂平民廬舍其上至今四百年利賴焉往歲蹕壞復激為澗邑陶侯鴻儒募夫修築蹕成舊澗難平取廢城土實之民不告勞舊績以續

一在郡東門外 郡城山之麓雨集澗水奔流東門外由城隍環繞西出七性亦疎緩善崩激齒成渠先年藩府修建石蹕未幾蹕崩激及官道未有繼其績者近亦就圯亦必如韓店兩傍建石壁數仍然後石級石底始堪

永 **一在郡西門外** 西城於地最下郡水奔赴於人守陳公儒建石蹕其上向外有級以備茲決之宜題之曰問水

又有河渠三

一在屯留縣北

絳水侵城知縣李益於城北廣原挑濬成渠王紳繼之修復堤

岸城賴保全

一在襄垣縣東北

漳水遠環襄垣之西南近統襄垣之東北

故昔稱勝邑愚民利沃灘引之東云不復西抱郡守劉公復初曰非計也復之邑漸勝後復引之東去迄今邑里蕭條科日衰歇未免為風氣之累丁酉春士民議復知縣鄭僑憚於近城修築之勞未能行

一在潞城縣翟店 山水侵田築堤而渠入漳水自宋正和間至成化嘉靖年重修萬曆三十二年知縣鄭崇厚又重修

建置十四

關隘 附塞垣

關以禦暴自古重之考之漢史上黨郡有

上黨關

魏寄氏縣有上黨谷先屬倚氏今屬屯留此西關也

壺口關

今吾兒峪

先屬壺關今屬黎城此東關也

石研關

研音陘未詳何地按上黨舊轄沾縣北接井陘

亦轄涅氏北通盤陀皆石徑故名此北關也

天井關

今屬澤州此南關也

當時全據諸險足稱四塞之國後雖割裂分屬然

亦隨要害之地而設守

長子有長平關

此必與高都滋

氏分裂後置也

有穀關

在羊頭山下載魏史

有橫水巡檢司

元置

西控平陽

襄垣有井谷關

後魏置北齊廢

泮谷故關

見唐書

而後魏又載石井關豈即石研關耶今所存惟壺

口關即吾岩峪巡檢司

元更此名今因之

正統間撫臣請於五嶺山置關

屬襄垣縣駐虎亭鎮北控沁州後裁去

嘉靖中青羊寇平諫臣請置王峽虹梯二關各設

巡檢司

皆屬平順東控林縣大學士夏言王峽關銘王峽關者夏子翔焉而命之名也舊曰

風門口在隆慮萬山之巔為兩河三晉之界蓋天作之險也前此弗設守庸民往往憑阻以拒命吏茲大非失理與乃即足闕焉闕成而係之以銘太行盤盤橫厲中原近引河朔遙綴崑崙太原大梁維國維藩壺關林慮界於花園身道崎仄輪摧馬頰淫石難列熊攀豹踔連崖壁立屹如

中斷是曰風門俯臨夜壑仰逼朝暉一夫挺身萬騎空屯設險慎固王者道存乃告守吏爰作鐃關勒銘若阿龍以瑤琨匪昧在德川戒叢昏○虹梯關銘至峽關西來餘百里近蟻尖砦千峯壁立中通峭峽狀如風門而下則無底之壑石磴齒齒盤迴霄漢望之若虹霓然此歲青羊之寇憑負以拒沐師者此也故號洪梯子焉以今名亦因以闕焉從而銘焉石匠攀天仄磴千迴仰干塞明俯臨蔽靈鉄壁勾連谿衞中開觀者駭魄行子心摧巨如長虹橫絕天階彼昏者氓肆其喧騰爰據培塿以坑震雷卒于大刑亦孔之哀太行之阿大河之隈闕門弗嚴維帝念哉北山有石南山有材經之營之突焉崔嵬侍臣作銘以詔後來

其山徑僅通人行者有榭林隘口

在羊腸岫上通輝縣

十八盤隘口

通林縣楊家石塘口

漳義隘口

兩山壁立漳水通流滙許

僅可人行通林縣俗稱漳義關

馬踏隘口

在寶口峪亦僅容人行俗稱馬踏關

皆在壺關平順東境萬曆二十九年屯留縣請於本縣邊寨鎮設防守廳以本縣主簿駐劄巡緝雖不設關有關之意焉此皆太行險絕處也一夫荷戈萬軍退舍承平裁去古關惟壺口新關并王峽虹梯在耳

嗟夫山谿固國君子羞稱然設險以守亦王公所重所貴修德行政以合人心則山谿始為我有而敵國無聞可乘耳非謂險可盡廢也考之漢史關

設都尉雖未為知本猶知重人五代及宋亦以有功軍師為巡檢乃後世惟以下吏領之徒興行旅之嘆當道知其無裨以為贅員去之有以也漢關尉不可考吾於五代宋得三巡檢以為後勸

後晉王守恩

前節度建立之子與後節度張從恩為姻親從恩朝契丹署守恩為本州巡檢

後周陳思謙

潞州巡檢破北漢兵于虎亭

宋王仲寶

字器之密州高密人善捕盜隨在招捕有功以河北提舉捉賊徒澤潞等處巡檢使至官才八日獲太行宿賊八十人後官至將軍致仕

塞垣

舊志周憲副曰關以守要害也而蹊徑可入隘以防傍曲也而峯嶺可越是以三代之後爰築長城壺口關東石壁數仞橫亘崔峩固潞之長城也乃險屬上黨守屬中州若曰晉能禦敵則中州衽席脫有不能置晉度外據險以守敵奈我何又若曰并土氣勁而民悍據有全險控制爲難分以與人使之有險而不得守此深長之慮晉人何敢議其得失惟是寇在險內則當外分其勢寇在險外又

不可盡去其防周之七雄漢之綠林諸寇及唐之黃巢王仙芝皆起太行之外晉宋之末敵國乘之全晉不能支中原亦爲所魚肉故古人以三晉爲天下藩蔽非無所見而云然也况

神京在北晉作股肱上黨蟠據中堅又全晉咽喉之地重

神京則宜重三晉重三晉尤宜重上黨從古及今形勢皆然

廟堂顧此長城毋俾頽壞蓋非一手一足之力僅僅

數十百金之費也

潞澤之交橫亘一山起丹朱嶺至馬鞍壑有古長城一道歲久傾頽然遺跡尚在登高望之宛然聯絡中有營壘以詢土人皆曰梁晉交兵築以相拒考之五代史一夾寨書一甬道書未有長城百里而不書者今陵川乎此山爲秦嶺以爲秦築以事考之則長平之後秦人遮絕趙揀兵及芻餉而築也當時秦爲客趙爲主客居主地設伏出奇引四十萬人入于計中四十七日至于盡降盡坑畧不

相聞非其勢壓山川安得咫尺千里計此城必此時築以限趙之南北也又計石城百里卽以萬人之力假以歲月成亦不易乃趙括才困長平而四方業已壁立秦計何其詭而成功何其速哉吾嘗循沁河之濱當絕險之地有城二北曰武安南曰屯城皆白起屯兵之所左山石水進退有據其去長平尚百餘里頓其大兵於此越數險而擒薙大敵俾無噍類夫以四十萬衆旣當其鋒又絕其後又宿重兵于別所其衆當幾倍於趙然兵不在衆

也布置得宜陰陽其用吾事自辦敵安知吾之多
寡哉吾觀武安君之行營部置而信其能城于頃
刻也即秦王不親至河內發民十五以上赴長平
武安亦足以自辦矣其殘忍刻薄固不足取而奇
正倚伏則信其為卓然千古之名將

建置十五

寺觀

郡城昭覺寺

在城內西南有僧綱司規模宏麗後
有圓通閣貯藏經山人呂甬東詩鄰

僧往來熟不厭日登臨天外流雲氣城頭結暮陰
鳥聲知夏近山色未歸心悵爾無人問凭欄祇自
吟○講易會程太守應登栗司馬永祿鮑方伯承
蔭朱京兆卿郭太僕邦驥李太守尚實過昭覺禪
院聯句吾儕原學易李餘暇一談禪栗入手唐羲
画鮑眞心太極玄朱壁留茶榜處山落酒杯前程
同證無生理朱都空色相緣郭錫驚翔鶴去栗孟
兕毒龍眠宜獄牛蛇變李陰廊鼠雀穿朱獅王常
作吼栗象帝馭居先程甘露醒迷障李宗風表正
傳郭雙林金粟見栗萬法寶珠懸鮑改席新詩健
程登樓逸興偏栗曇雲低護閣李花雨細垂遙郭
共散招提步鮑疑超彼岸天閑思翻貝葉程老欲

絕韋編(李)師已窺三昧(朱)人期假數年(郭)上乘標
 雪嶺(粟)小聚應星躔(葛)南熏灑(程)烏巾海月連
(李)松蘿游白社(郭)水石照青蓮(鮑)下界飄香梵(程)終宵演妙詮(朱)鈍根除未破(鮑)覺義悟來圓(郭)倘許操鉛槧(時)時過大顛(李)潘宣王和前韻(物)物具微顯(參)真妙入禪(木)窮雲乍白(氣)屈窟應玄結
 珮靈霞外傾樽法象前三身初自定四聖本從緣
 道備知常住神全覺不眠求空為境滅攝見逐窬
 穿塵界難容後僧祇未許先南宗千苦息東渡一
 機傳珠網心燈燦虛堂慧鏡懸迷方形所局離垢
 地何偏露竹依經葺烟松覆講筵欲超非想處且
 悟徧光天釋緒探圖画精思續簡編寶坊歌舜日
 鰲極頌堯年智達維摩岸星分太宰躔雨花來鶴
 馭溟浪挾鵬騫風動雙旛影祥開七葉蓮高深原
 有限理俗始無詮淨月情同契了波
 性湛圓喟然問瀾倒卓爾共扶顛
 長興寺 在城內
 法住寺 在城西崇禎十七年為
 劉賊折毀已半為瓦礫矣

慶雲寺

在蕪

百穀寺

在百穀山萬曆中
方侯有度重修

嘉祥寺

在賈張

正覺寺

在刊字村

龍泉寺

在賈村

延福寺

在西原村

香巖寺

在韓店

洪福寺

在李坊

洪濟寺

在黎嶺

際子寺

在北和

寶峯寺

在坡頭

寶雲寺

在王村

大雲寺

在蔭城

正覺寺

在入義有
浮屠今圯

西巖寺

在桑梓

翠巖寺

在西火松樹千章蔚然深
秀寺裹松內地僻幽偏遠

望之有如

翠屏挿漢

大安寺

在師庄

摩雲寺

在佛耳山學
憲陳霆詩蒼

藤借上援青壁費前仰東瞻渺雲海下視失寰壤
 疲推憚登陟過鳥阻來往不知雲靄深但覺衣袂
 爽山人慕飛舉信步畢幽賞長歌人不聞天風振
 餘響○吳典顧應祥詩如來已入滅度去此地空

餘佛耳山靜洗六根還色相歷殘千劫更辱顏飛梯迥出烟蘿外梵語如聆霄漢間擬向諸天參上乘笑看九地自塵寰

翠雲寺

在佛耳山中

寶雨寺

在郡城中今廢惟存

延唐寺

據玉海玄宗別駕時延唐寺有李樹連理潘炎有賦惟彼嘉樹列星之精

耀本扶疎當元光之降誕盤根連理應我后之文明天之發祥豈無他木必曰茲樹是光皇族所以並修幹連高枝青房表異朱仲稱奇察以休徵不假終軍之識同于樹德寧為簡主之知族茂宗榮盤根合理花之發也霰每亂于青春實之繁兮珠更深於寒水豈徒生於靈井植彼東園自感義以相待但成蹊而不言此乃興聖王之符表天家之姓一人親覩六合稱慶至若鍾山之實玉井之仙或正冠而垂訓或投贈以成篇比德于我彼何有焉臣炎作賦天子萬年

梵境寺

在郡城東北今長治縣側隋建不知毀于何代萬曆己酉居民取土得舍利唐儀鳳

三年藏也石刻舍利銘夫入相不谷應物而弘攝受二乘命駕自我而開軌輪是以迷方罕計入寂舍而嬪法妻女弱喪無歸赴權門而戴慈艾俯幻機而踐迹道格四生隨滿願而呈姿仁源六趣櫛沐三災之運舟航八苦之津有念必從無永不應然後藏山示盡促耆老之朝峯變海歸空急恒源之夜水雙林顧命仍留任世之恩千疊遺身詎隕將來之相可謂生滅慈護終始經營永關悲田長弘願力者矣舍利者即釋迦牟尼如來般涅槃之真體也分形梵國作瑞神京乘至獎而幽通降天慈而光被通議大夫使持節潞州諸軍事守潞州刺史上騎都尉賀拔正而承恩授頂戴而還凡四十九粒為青白二色流瓶轉匣吐照含明離若分珠爭開日月之彩合如聚米各富天地之容一見一聞永清三業且瞻且仰長擯六塵日大唐儀鳳三年歲在戊寅四月丁亥朔八日甲午安厝于梵境寺舊塔之下恭皇綽也尔其重局制玉疊擗銘金徵郢石而陳謨命班輪而作範極雕龕之變態

寃象設之閑安朝散大夫守潞州長史崔承休司馬戴安業郡僚等並洗心中敬濯影投誠如登刹利之初若睹闡維之會僧尼雲委士女風趨同瞻四升之姿共慘千行之目願乘茲介福普證菩提假此妙緣俱清煩惱刻石紀日即修後善對眾起信誓斷前惡凡在道場念茲在茲矣潘定王奉舍利建塔於昭覺寺東

大泉菴 在雄山東泉石林廊有狀元朱之蕃記

胡懷玉詩晚宿投金界幽尋傍虎溪移樽石上酌月落萬峯低空外疎鍾散烟中獨鳥棲直如自無相有句

神霄宮 在薈潘府前 有道紀司

洞雲宮 在桑梓

玉虛觀 在西

白鶴觀 在府城南玄宗別駕時據案假寐白鶴觀道士宋大辨等三十人見赤龍在案有潘炎賦玄天之龍兮見而在田我后之龍兮飛以御天據聖人之大寶與列祖而同玄高而出而消濯以自試來定天寶居然假寐合而成體散而成章若窺於曠石施於堂

向明負展以當陽日月在身有祗天之嘉慶風雨合氣將振翼而雄驥群若愕王聖作物觀赫然龍光真我明王析券表異亦惟前聞矚然振古卓有吾君王人之瑞比之龍首高居而遠望以臨乎九有天子之威比之龍鱗皇之可畏以肅乎萬人徒稱其象未觀其真恭惟我后近取諸身於昭巨唐其命惟新永據九五

斯焉萬春觀今廢

以上寺觀俱落今長治境內

長子縣 **天王寺** 在城東 **能仁寺** 在縣西門外

法興寺 在慈林山 **聖壽寺二** 一在南陳一在化師山唐異僧葬處也

西龍泉寺 在李村 **大覺寺** 在寺頭村 **乾德寺** 在大景村

仙師教寺 在王史村 **法慧寺** 在周村 **崇慶寺** 在紫雲山下

廣化寺

在樂陽村

興福寺

在橫水村

資壽寺

在王波村

興國寺

在論庄

演教寺

在潛山

古塔寺

在莫村

妙覺寺

在碾張村

通玄觀

在城東北隅

浩然觀

在城隍廟左

修真觀

在金村

屯留縣

永福寺

在縣治北

慈廣寺

在石聚山之陽

定林寺

在余吾

永峯寺

在故城

龍泉寺

在北栗村

興國寺

在平村

惠照寺

在苗岳村

普明寺

在常村

寶福寺

在杜村

寶峯寺

在王村

石佛寺

在余吾

明月寺

在中村

雲影寺

在鳳凰山

大覺寺

在宋村

其泉寺

在縣北百里

玉溪神院

在梨村

乾元觀

在縣北治

玉虛觀

在原村

南華觀

在西村

襄垣縣

壽聖寺

在縣治東南

淨福寺

亦在縣治東南

寶峯寺

在紫岩山

慈雲寺

在長隆村

香巖寺

在桃樹村

興福寺

在縣西南十二里有涼樓為昔人避暑之所

圓明寺

在蒲池村

仁濟寺

在五陰山前

淨居寺

在長良村

建封寺

在李信村西

仙堂寺

在堂山

化成寺

在下良鎮

五峰寺

在縣北五十里

開化寺

在縣西北五十里

華藏寺

在王壁村

先天觀

在北門外

幽棲觀

在西川村

洞真觀

在縣北四十里

長生觀

在鴈谷村

普照庵 在縣北十里

潞城縣 妙聖寺 在縣治東

洪濟寺 在常村 崇勝寺 在小韓山西

寶寂寺 在中峰 廣濟寺 在鳳凰山 靜居寺 在龍山

壽聖寺 一在西流村 一在東王村 寶相寺 在祥井里

石相寺 在李村 法雲寺 在上史與西 白鶴觀 在縣東二里

宗仙觀 在合室村 玄真觀 在常村

黎城縣 延慶寺 在南關 白巖寺 在白巖山麓

大通寺 在辛村里石塘角 銑詩底事匆匆道路間 花時每惜賞心難 翻憐野寺風光別來

黃荆山 松池寺 在宋家莊 法會寺 在子谷村

水陸寺 在內陽村 唐福寺 在區村里 顯慶寺 在城南村

寶泰寺 在故縣 禪房寺 在後庄 聖壽寺 在原泉村

委泉寺 在玉泉村 西井寺 在西井村 佛堂寺 在彭庄

大聖寺 在南陌嶺 崇福寺 在縣北二一里 黃崖寺 在肴後村

流泉寺 在鹿頭村 偏城寺 在偏城村 通仙觀 在城

太清觀 在桑魯村

壺關縣 福巖寺 在縣北二里 龍溪山下 大覺寺 在四家池

洪福寺 在崇賢村 大明村 在東歸善 金山寺 在黃陀村

廣慈寺

在烏泉山

多寶寺

在紫團山畔

雲蓋寺

在紫團山下

林張鐸詩下馬禮空王逍遙步法堂名山雄晉魏
緝宇自隋唐雲擁諸天濕風生六月涼閬仙當日
事踪跡已微茫寺北有橋樓涼翰林亦有詩徑轉
橋樓出騶嘶猿鶴驚捫蘿防磴滑柱杖看雲生仙
去樓空閉橋深涼自清臨
風操綠綺山水賦含情

白雲寺

在紫團山上

竹巖寺

在縣東南一百六十里俗名三崇寺

崇雲寺

在紫團山南

祥鹿觀

在修善村唐徐王為潞刺史時曾逐白鹿于此

吉祥觀

在縣南三里

平順縣

妙輪寺

舊刹兵焚今改建東北山曲

大雲寺

在龍耳山

龍門寺

在石灰里

漳法寺

在石城里

海會寺

在張井里

薦福寺

在東

清源寺

在安

寶嚴寺

在花園村

俗名 誠心觀 見金燈 白石 空潭 夾石
欒崔 欒詩太行千里亘地軸隆慮西來群峰轟
鏤嶺下梵宮開景象端嚴擬天竺玲瓏亂垂如
倒蓮石龕空洞似華屋棟宇追琢皆文章千佛萬
佛駭人目神工運巧如巨靈泉水涓涓繞佛足昔
聞清夜見仙燈半信半疑心未服花朝携友一登
臨詩囊酒榼隨童僕曉行紅日上高岑俯瞰白雲
滿空谷行行杖屨近青霄寥寥塵寰直一掬半山
雨落濕樵薪山上朝暾凝樹綠來來往往人攀躋
香火朝神相陸續轆轤千尺下瓊漿石底行人消
吻酷洞垂佛手浴清泠頂偃古松蒼蒼蓋覆平生性
僻愛烟霞天下奇觀可稱獨夕陽對酌發高歌近
夜看燈試默祝忽然對山一星明清輝晃晃如行
燭須臾數點起四山眼底澗中五燈簇乍明乍暗
焰熒熒還遠還近光煜煜分明出見摩尼珠龍女
來呈照林麓遊人大吃號佛聲果是山靈酬我欲
僧人邀我坐禪床手捧清茶奏梵曲細問此山開
何時任持誰者留芳躅云昔修定芋上人石窟端

居虎自伏示寂一性返靈山百年遺骨香如玉寶塔幽堂卧儼然過客咨嗟盡瞻肅聖境須生聖者成梵天魏我表亭每聞言不覺豎頭毛胸中愁煩消萬斛禪宗我悟最上乘觀此佛靈莫敢瀆同行俱是青雲流紀勝教予書東牘燈下走筆思若狂謾吟只恐大家辱西山奇跡蒲衿懷歸家可作卧遊錄小窓一枕醉春風

水陸寺 在候壁里

福興寺 在新興里

佛頭寺 在候壁里

小巖寺 在葭蘆里

龍虎寺 在新興二里

元熙寺 在新安里

龍泉寺 在新興二里

馮善寺 在遷善里

大覺寺 在新興里

崇仙觀 在石城里

龍祥觀 在王曲里

靈昭觀 在安善里日純陽游此有詩素衣丹壑寄生涯相近

茅籬廿六歲家聞所以信音臨水石坐看山色老烟雲

秉煉

右釋老之宮皆漢唐以來奉勅修建者近日崇

者衆創建者多郡邑鄉鎮間為堂為菴為祠為閣

以事佛菩薩老君仙衆或合為三教堂十方院無

處無之多者十餘不厭其煩雖足以化愚頑而豈

善良然陰敗風俗事亦匪細或亦佛老聖人所不

欲聞乎轉移化導在

君相之權衡而明正道以正之則其本而已

潞安府志卷八終



